

欽定四庫全書

史記卷一

漢

太

史

令司馬遷 撰

宋

中郎

外兵曹

參軍裴駟集解

唐

國子博士

弘文館學士

司馬貞索隱

唐

諸王侍讀率府

長史張守節正义

五帝本紀第一

集解裴駟曰凡是徐氏義稱徐姓名以別之餘者悉是駟註解并集衆家義索隱紀者記也本

其事而記之故曰本紀又紀理也絲縷有紀而帝王書稱紀者言為後代綱紀也正義鄭玄注中候勅省圖云德合五帝坐星者稱帝又坤靈圖云德配天地在正不在私曰帝按太史公依世本大戴禮以黃帝顓頊帝嚳唐堯虞舜為五帝譙周應劭宋均皆同而孔安國尚書序皇甫謐帝王世紀孫氏注世本並以伏羲神農黃帝為三皇少昊顓頊高辛唐虞為五帝裴松之史目云天子稱本紀諸侯曰世家本者繫其本系故曰本紀者理也統理衆事繫之年月名之曰紀第者次序之目一者舉數之由故曰五帝本紀第一禮云動則左史書之言則右史書之左陽故記動右陰故記言言為尚書事為春秋按春秋时置左右史故云史記集解徐廣曰號有熊索隱按有土德之瑞土色黃故稱黃帝猶神農火德王而稱炎帝然也此

黃帝者

以黃帝為五帝之首蓋依大戴禮五帝德又譙周宋均亦以為然而孔安國皇甫謐帝王代紀及孫氏註系本並以伏犧神農黃帝為三皇少昊高陽高辛唐虞為五帝註號有熊者以其本是有熊國君之子故也都軒轅之丘因以為名又以為號又據左傳亦號帝鴻氏也正義輿地志云涿鹿本名彭城黃帝初都遷有熊也按黃帝有熊國君乃少典國君之次子號曰有熊氏又曰縉雲氏又曰帝鴻氏亦曰帝軒氏母曰附寶之祁野見大電繞北斗樞星感而懷孕二十四月而生黃帝於壽丘壽丘在魯東門之北今在兗州曲阜縣東北六里生日角龍顏有景雲之瑞以土德王故曰少典之子周曰有熊帝封泰山禪亭亭亭在牟陰

少典之子

集解譙周曰有

熊國君少典之子也皇甫謐曰有熊今河南新鄭是也索隱少典者諸侯國號非人名也又按國語云少典娶有蟜氏女而生炎帝然則炎帝亦少典之子炎黃二帝雖則承帝王代紀中間凡隔八帝五百餘年若以少典

是其父名豈黃帝經五百餘年而始代炎帝後為天子乎何其年之長也又按秦本紀云顓頊氏之裔孫曰女脩吞玄鳥之卵而生大业大业娶少典氏而生栢翳明少典是國号非人名也黃帝者少典氏后代之子孫賈達亦以左傳高阳氏有才子八人亦謂其后代子孫而稱為子是也譙周字允南蜀人魏散騎常侍征不拜此注所引者是其人所着古史考之說也皇甫謐字士安晉人号玄晏先生今所引者是其所作帝王世紀也姓公孫名曰軒轅索隱按皇甫謐云黃帝生於壽丘長於姬水因以為姓居軒轅之丘因以為名又以為號是本姓公孫長居姬水因改姓姬生而神靈弱而能言索隱謂幼弱時也蓋未合能言之時而黃帝即言所以為神異也潘岳有哀弱子篇其子未七旬曰弱正义言神异也易曰陰陽不測之謂神書曰人惟万物之灵故謂之神靈也幼而徇齊集解徐廣曰墨子曰年踰十五

一二三

欽定四庫全書

卷一

一二三

欽定四庫全書

卷一